

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnnd Beuelch halten soll, was zu anfang eines Kriegs zuerwegen vnnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Nachbaurchaft vnnnd Freundschaftt.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Ordnungen vnd Leer/

hencken/zusagung vnnnd versprochne gelübd/trew/ehr vnnnd eyd zufelschen/sonder an ihm selbst vnnnd anderen schwerlich straffen/damitt er nicht sampt andern zugleich inn die vnuermeidliche rach Gottes vnnnd weltliche schmach falle.

Nachbaurtschaft vnnnd Freundschaft.

Die soll er alle zeit zu hulden behalten/damit er sich gegen ihr aller trew in freud vnd leyd versehen mög/würde sie von gemeinem feind vberzogen vnnnd geschediget/soll er sie mit aller macht entschütten/damitt er auff frembden gütern mit seinem genuss/vnd der freund huld vnnnd hülff die widerparth vertilgen/freundliche nachbaurtschaft machen/sein wand von dem mörderischen brand erretten/vnnnd sein hertz am feind nach lust erkülen mög/vber wölche Stett vnnnd Lande er hofft künfftig zuherrschen/die sol er nicht beleidigen/sonder die ihren auß gefengtnuß ledigen vnd herrlich begaben/heingeleyten/sölchs auch dem hellen hauffen gebieten/damitt sie mehrcken/das er weder jr leyb/leben noch gut/sonder jr ehr vnd heyl such/vnd ein hertz zu jm gewinnen.

Von des Fürsten Lager.

Das soll er allzeit fürsichtiglich bey einem fluss ob des Feinds Lager schlagen vnd verrucken/wie Israel im namen des Herren Gottes zebaot/auff solcher höhe/do er nicht überhöcht/auff der Feinde Land/da kein wasser auff ihn mög abgelassen werden/da guter frischer lufft vnd schatten/ein vberflus reines wassers/feister weyd vnnnd hölzer sey/Er sol auch zu gejezter zeyt seubern/vnnnd im Merzen/Aprill vnd Herbst/zu vermeidung der zufelligen Franckheyten/offt verrucken lassen.

Schanzen.

So des feinds mächtige gegenwertigkeit das Lager zu umbschangen erfordert/sol der meist vnd streitbarest teil zu ross vnd zu fuß/die schanzgräber bewaren/Ob er sie aber vberreilen wölt/mögen sie ein wagenburg von den Heerwagen oder von den Karren/darauff die Schiffbrücken vnd andere rüstung zu geschwinder passierung gefürt wird/inn einer form des halben Mons/odder einer gestalt der Schanz/zu betrug des Feinds auß des Trospündtel/Schanzörben/Läglen vnnnd dergleichen impedimenten schlagen.

Wenterey.